

## A Ny fitiavan'Andriamanitra:

### ❖ Fitiavana maharitra mandrakizay (Salomo 136).

- Ny Salomo 136 dia hira mifamaly. Isak'ireo andininy 26 tsirairay, dia midera an'Andriamanitra ny ampahany iray amin'ny antoko mphihira ary ny iray kosa mamaly amin'ny antony manamarina izany fiderana izany: "fa mandrakizay ny famindram-pony."
- Inona no ataon'Andriamanitra noho ny fitiavany mandrakizay?
  - (1) Nanao asa mahagaga Izy tamin'ny namoronany izao rehetra izao manodidina antsika (Sal. 136:1-9).
  - (2) Nanafaka ny Israely tamin'ny fanandevozana Izy ary namponina azy ireo tao amin'ny Tany Nampanantenaina (Sal. 136:10-22).
  - (3) Ankehitriny Izy dia miahysy antsika sy manafaka ary manohana antsika (Sal. 136:23-26).
- Ny fitiavan'Andriamanitra dia tsy mahakasika ny olona tia Azy ihany, satria "manome hanina ny nofo rehetra" Izy (Sal. 136:25). Rehefa mibanjina izany fitiavana izany ny mpanao salamo, dia manomboka sy mamarana ny hirany amin'ny fanasana antsika hidera an'Andriamanitra (Sal. 136:1, 26).

### ❖ Fitiavana manova (Salamo 51).

- Taorian'ny fahotan'I Davida tamin'I Batseba, dia nikiny ny atifanahiny ny nenina. Izao dia mandoatra ny fony eo anatrehan'Andriamanitra izy ary miaiky ny fahotany tsy mitady izay hanamaivanana na hanamarinana izany, satria fantany ny tsy fahafahany mitsahatra tsy manota (Sal. 51:3-5).
- Fantany fa noho ny halehiben'ny fitiavany, dia hanadio ny fahotany Andriamanitra ary hamafa tanteraka ny fahadisoany (Sal. 51:1-2, 7-9).
- Saingy, lasa lavitra kokoa i Davida. Nangataka fiovana, fiovana izay ilantsika rehetra. Afaka ary maniry hanatanteraka izany fahagagana izany Andriamanitra (Sal. 51:10).
- Ny famelan-keloka sy ny fanavaozana ny tenantsika dia mitondra fifaliana, fijoroana ho vavolombelona, fiderana ary fihobiana (Sal. 51:12-15). Ary hifaly mandray ny fiderana feno fitiavana ataontsika Andriamanitra (Sal. 51:16-19).

### ❖ Fitiavana mamela heloka (Salamo 130).

- Misy lohalevitra roa lehibe ny Salomo 130:
  - (1) Ny famelan-keloka
    - (a) Ny fahotana dia hantsana lalina izay iantsoan'ny mpanota an'Andriamanitra (Sal. 130:1-2). Raha eo am-pihainoina antsika ny Tompo dia mijery antsika Izy ary... inona no hitany?
      - (i) Raha mibanjina ny fahotanay Hianao, dia vita ny aminay (Sal. 130:3).
      - (ii) Nefa ny mason'Andriamanitra feno fitiavana dia mibanjina ny mpanota mibebaka, ka mamela ny helony (Sal. 130:4).
  - (2) Ny fiandrasana
    - (a) Io toetra araka an'Andriamanitra io dia mitondra fanantenana. Noho izany dia miandry amim-pahatokiana handray ny famelan-keloka avy amin'Andriamanitra isika.
    - (b) Ilay maraina be voninahitra izay andrenesantsika avy amin'ny molony ny: "midira amin'ny fifalian'ny tomponao" (Mat 25:21; jer. Sal. 130:5-6) no tena andrasantsika.
    - (d) Mandray anjara amin'io fiandrasana mampangitakitaka io avokoa ny olon'Andriamanitra rehetra, rehefa "hanavotra ny Israely ho afaka amin'ny helony rehetra Izy" (Sal. 130:7-8).

## B Ny famalian'olombelona ny fitiavan'Andriamanitra:

### ❖ Fiderana sy fahatokiana (Salamos 113 and 123).

- Inona avy ireo antony hidertsika sy hitokantsika an'i Jehovah araky ny Salomo 113 sy 123?
  - (2) Satria nasandratra ho ambonin'ny lanitra sy ny tany Izy (Sal. 113:4)
  - (3) Satria, na dia any amin'ny avo aza Izy, dia manetry tena ka midina ety amin'ny misy antsika (Sal. 113:5-6)

- (4) Satria manandratra ny malahelo sy ny mahantra Izy (Sal. 113:7-8)
- (5) Satria manatanteraka fahagagana Izy (Sal. 113:9)
- (6) Satria mamindra fo amintsika Izy, rehefa atao tsinontsinona isika (Salomo 123)
- Eo amin'ny Hazo fijaliana no ahitantsika rehetra ireo toetran'Andriamanitra ireo. Ny fitiavany lehibe no nahatonga an'i Jesosy hanetry tena "hatramin'ny fahafatesana" ho antsika (Fil. 2:8). Tsy mendrika fiderana ve izany? Tsy hatoky tanteraka an'io Mpamony mahery sy be fitiavana io ve isika?

❖ **Fisaorana sy fankalazana (Salomo 103).**

- Inona ireo fitahiana omen'ny Tompo antsika?
  - (1) Famelana ny heloko (Sal. 103:3a )
  - (2) Fanasitrana ny aretiko (Sal. 103:3b)
  - (3) Fanavotana ny aiko tsy hidina any an-davaka (Sal. 103:4a )
  - (4) Nosaromany famindrampo sy fitiavana aho (Sal. 103:4b)
  - (5) Mamoky soa ahy Izy (Sal. 103:5a )
  - (6) Mamerina ny fahatanorako Izy (Sal. 103:5b)
  - (7) Manao fahamarinana ho azy Izy rehefa ampahorina aho (Sal. 103:6)
  - (8) Mampahafantatra ahy ny fikasany Izy (Sal. 103:7)
  - (9) Tia ahy Izy ary tsy mitahiry fahatezerana amiko (Sal. 103:8-9)
  - (10) Tsy mamaly ahy araka ny fahotako Izy (Sal. 103:10-11)
  - (11) Tsy mahatsiaro ny fahotako Izy (Sal. 103:12)
  - (12) Fantany fa kely ny androko, ka mamindra fo amiko Izy (Sal. 103:13-18)
- Ho setrin'ireo hatsaram-panahy ireo dia miara-misaotra an'i Jehovah amin'ny anjely isika (Sal. 103:19–22). Mipololotra ny fiderana rehefa manaiky ny fahalehibiazana sy ny asan'Andriamanitra ny olona iray ary mamaly izany amin'ny alalan'ny fiankohofana noho ny fahatsarany sy ny famindrampony ary ny fahendreny.